

Broj: 03-14-7-922/17

Datum: 19.04.2017.godine

OPĆINSKO VIJEĆE TEŠANJ

INFORMACIJA

o radu i poslovanju udruženja građana na području općine Tešanj za 2016.godinu

UVOD

Značaj civilnog društva proizilazi iz potrebe postojanja mehanizama za kontrolu i nadgradnju aktivnosti koje prema prirodi nadležnosti spadaju u domenu državnog aparata, te uključivanja građana u te aktivnosti.

Za izradu ove informacije korišteni su podaci dobiveni od udruženja/organizacija, podaci kojima raspolaže organ uprave iz ranijih izvještaja i sl. Treba napomenuti da informacija tretira udruženja sa kojima je općina imala saradnju i čije su aktivnosti sufinansirane kroz budžet općine Tešanj.

PRAVNI OKVIR I RAD UDRUŽENJA

Rad nevladinog sektora u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a na nivou Federacije BiH u martu 2002. godine. Pomenuti zakoni su usklađeni sa principima savremenih demokratskih društava. Broj registriranih udruženja se uvećava iz dana u dan. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica.

Prema evidenciji Službe za društvene djelatnosti i investicije na području općine Tešanj postoji 117 udruženja građana. Međutim, taj broj treba uzeti s rezervom, jer nisu sva udruženja aktivna. Neka udruženja čak više i ne postoje, ali nisu brisana iz registra.

Stanje na području općine Tešanj, dodatno je uređeno odlukama koje je donijelo Općinsko vijeće: Odluka o kriterijima za finansiranje nevladinih organizacija i udruženja građana ("Službeni glasnik" 9/05), te Odluka o izmjeni i dopuni Odluke o kriterijima, načinu i postupku raspodjele sredstava nevladinim organizacijama ("Službeni glasnik" 10/11) i Odluka o proglašenju udruženja od posebnog interesa ("Službeni glasnik" 9/06), te Odluka o izmjenama i dopunama Odluke o proglašenju nevladinih organizacija od posebnog interesa ("Službeni glasnik" 2/14).

Ove odluke nastoje dodatno urediti način finansiranja nevladinog sektora i nametnuti sistem planskog i projektnog pristupa u radu.

Primjenom Odluke o kriterijima za finansiranje nevladinih organizacija i udruženja građana došlo je do većeg nadzora nad radom udruženja i brže prepoznavanja onih udruženja koja ne rade. Tako se na javnom pozivu za finansiranje projekata u 2016. godini (decembar 2015.) udruženja koja nisu dovoljno aktivna nisu ni prijavila.

Grupa	Broj prijava	Br projekata za finansiranje
Kultura	14	9
Sport	35	35
Ostalo	22	18
UKUPNO	71	62

DJELATNOST UDRUŽENJA

Udruženja prema oblasti djelovanja su vrlo raznolika, jer jedno udruženje vrlo često djeluju u više oblasti i teško ga je svrstati. U slijedećoj tabeli predstavljeni su podaci za našu općinu.

	Boračke organizacije	Crveni križ	Djeca i mladi	Vatrogasna društva	organizacije invalida	Izbjeglince, rasejani	Kultura	Lov, rrbolov, pčelarst	Nacionalne organizacije	Penzioneri/starije osobe	Staleška udruženja	Tehnika (radio, moto..)	Socijalna zaštita	Privredna udruženja	Zaštita okoline	Zdravstvo	Sport	Romi	Žene	Ostali	Ukupno
Tešanj	7	2	9	2	2	1	11	4	2	1	1	2	3	2	3	5	32	-	6	17	112

U daljem toku informacije detaljnije će biti predstavljen rad većeg broja udruženja od kojih smo prikupili podatke. Udruženja su grupisana u četiri grupe:

- udruženja od posebnog interesa (pobliže određeno Odlukom o proglašenju udruženja od posebnog interesa („Službeni glasnik“ 9/06) i Odluka o izmjenama i dopunama Odluke o proglašenju nevladinih organizacija od posebnog interesa (“Službeni glasnik” 2/16);
- sportska udruženja/društva;
- udruženja u oblasti kulture;
- ostala udruženja.

I UDRUŽENJA OD POSEBNOG INTERESA

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članov
				Preds.	Skupš.	
Organizacija PŠ i PB	71.435,13	30.300,00	53.517,33	5	1	642
Organizacija RVI	52.067,97	30.000,00	50.521,50	8	1	612
UABNOR	9.400,00	9.400,00	8.227,20	7	/	148
UG „Zlatni ljiljani“	7.920,00	6.600,00	7.773,83	8	1	48
JOB „Unija veterana“	62.826,03	44.500,00	45.199,63	6	1	6000
UG invalida rada	2.400,00	2.400,00	2.405,00	8	1	406
UG slijepih i slabov. osoba	10.300,00	9.700,00	10.300,00	4	1	115
UG „Sugar“ Tešanj	13.767,00	4.900,00	11.524,00	10	1	362
UG „Održiv povratak“ Tešanj	2.400,00	2.400,00	2.280,00	4	1	120
Crveni križ Tešanj	12.400,00	2.400,00	12.405,00	4	1	636
UG hroničnih bubrež.bolesn.	6.149,66	2.400,00	4.584,40	1	1	40
UG „Crveni polumjesec“	5.327,00	2.400,00	1.691,00	5	5	58
DVD Jelah	14.737,00	4.063,00	13.132,10	11	2	147
UŽ Naša porodica	11.958,36	2.400,00	0,00	/	4	42
Udruženje Oslonac	112.000,00	2.400,00	112.000,00	6	1	1212
UG otpuštenih radnika iz RH	67.118,67	3.700,00	13.046,35	24	3	5013
DVD “Tešanj 1905”	7.983,78	3.850,00	7.117,87	4	1	121

Organizacija porodica šehida i poginulih boraca

Ovu organizaciju sačinjavaju porodice šehida i poginulih boraca Tešnja, Teslića i dijelom Doboja. U 2016. godini su vođene brojne aktivnosti: Izvršene pripreme i održan tradicionalni šehidski mevlud u Miljanovcima, Redovni obilasci bolesnih članova i njihovih porodica, obilježavanje Dana šehida drugi dan Ramazanskog Bajrama i obilazak mezariluka šehida i poginulih boraca, Izvršene pripreme i održana godišnja skupština Udruženja, druženje u Drveniku, druženje sa porodicama šehida i boraca drugih Općina, priprema televizijskog programa "Sjećanje na poginule" na SMART Televiziji, Obilježavanje značajnih datuma na Općini i druge aktivnosti.

Za jednokratne novčane pomoći za liječenje izdvojeno 16.463,10 KM, za pomoći u slučaju smrti 2.850,00 KM, Za robne pakete prilikom posjete dato 865,00 KM, jednokratne prilikom posjeta 4.220,00 KM.

Organizacija ratnih vojnih invalida

Ima zaposlenog sekretara sa punim radnim vremenom. Najznačajnije aktivnosti Organizacije u 2016. godini odvijale su se u skladu sa Programom rada, a odnosile su se na: Pružanje pomoći članstvu u ostvarivanju prava poštujući Zakonsku proceduru, Obilazak članova na kućnom i bolničkom liječenju i pružanju finansijske pomoći najugroženijim članovima. Imaju vlastiti uslovan kancelarijski prostor. Pomoć članstvu u 2016. godini: Za lijekove 19.451,00 a za liječenje 1.110,00 KM, za odlazak u banju 880,00 KM, Za smrtni slučaj 4.000,00 KM, Za pakete prilikom posjete članovima 3.412,00 KM, Za jednokratne novčane pomoći 950,00 KM, za naknade novorođenčadi 100,00 KM.

U toku januara održani sastanci po MO RVI. Učestvovali u obilježavanju aprilskih dana u Općini (polaganje cvijeća). Vršili obilazak članova i porodica RVI različitim povodom. Osim toga učestvovali su na obilježavanju Dana RVI ZDK u Kaknju i na sportskim igrama RVI FBiH.

UABNOR Tešanj

Jedan od ciljeva Udruženja je očuvanje tekovina socijalističke revolucije NOB-a i briga o živim neposrednim učesnicima. U 2016. godini organizovano obilježavanje značajnijih datuma iz NOB-e. Članovi Udruženja su aktivno bili uključeni u održavanje spomenobilježja iz NOR-a (Partizansko groblje u Tešnju i pristupna staza Bisti Huse Hodžića). Ukazivana je pomoć bolesnim članovima u nabavci lijekova, kao i novčane pomoći najugroženijim, ostvarena dobra saradnja sa nadležnim organima i organizacijama i vršeno uključivanje novih članova, posebno mladih antifašista. Za novčane pomoći učesnicima NOR-a dato 1.200 KM, Jednokratne novčane pomoći živim učesnicima isplaćeno 3.400,00 KM, a za smrtni slučaj 400 KM.

UG „Zlatni ljiljani“ Tešanj

U 2016. godini promovisana i distribuirana knjiga "U ime istine, Tešanj 1992-1995.". Pored toga urađeno je i slijedeće: Učešće u obilježavanju značajnijih datuma na općini Tešanj, Članovima dodjeljivana pomoć za liječenje i smrtno slučajevne, Učestvovali u izradi spomenika u Miljanovcima i Mrkotiću, Organizovali akcije pomoći poplavljenim kao i u otklanjanju posljedica poplava i klizišta, aktivirali Udruženje civilnih žrtava rata 1992-1995, Učestvovali na druženjima dobitnika najviših ratnih priznanja u Kaknju i Tuzli. Na štampanje navedene knjige utrošeno 12.2015,00 KM.

JOB Unija veterana

U protekloj godini udruženje je svoj rad usmjerilo na: Organizacija sastanaka članova udruženja, Rješavanje socijalno-statusnih problema članstva, Obilježavanje značajnih datuma iz proteklog rata, Posjete bolesnim članovima i porodicama umrlih boraca. Udruženje broji više od 6.000 članova i trenutno je najbrojnije udruženje u Općini.

Za pomoć članovima u 2016. godini utrošeno je: za lijekove 25.571,43 KM, za jednokratne pomoći 2.191,03 KM i za kupovinu prehrambenih paketa 2.116,96.

UG invalida rada općine Tešanj

Općinska Organizacija invalida rada u 2016. godini se posebno angažovala na pitanjima: Pomoć članstvu u ostvarivanju njihovih prava i prati gdje su radnici raspoređeni nakon umanjena radne sposobnosti, te po kojoj satnici rade na novom radnom mjestu. Obilazili su bolesne članove koji su u teškoj materijalnoj situaciji i učestvovali u brojnim humanitarnim akcijama i drugo. Obilježen je i svjetski Dan invalidnih osoba. Utrošena sredstva na pomoć bolesnima su 768,00 KM i kupovinu ogrjeva 210,00 KM.

Udruženje slijepih i slabovidnih lica Tešanj

Udruženje slijepih djeluje na 4 općine (Tešanj, Doboj Jug, Usora i Maglaj) i nema stalno angažovanog radnika, već se svi poslovi obavljaju volonterski. U protekloj godini udruženje je imalo slijedeće aktivnosti: skromno obilježavanje devetnaeste godišnjice USG Tešanj, obilježavanje 15. oktobra-Dana bijelog štapa, 3. decembra – Međunarodnog dana osoba sa invaliditetom. Zahvaljujući pomoći Općine Udruženje je organizovalo Međunarodni turnir u golbalu. Organizovan je kurs opismenjavanja u Brajevom pismu za članove. Velika pažnja se posvećuje posjetama starim i bolesnim članovima.

Društvo za borbu protiv diabetesa „Sugar“

Društvo je nastalo dobrovoljnim udruživanjem osoba oboljelih od diabetesa i drugih građana koji su iskazali interes da na organiziran način djeluju u borbi protiv šećerne bolesti. U protekloj godini je provedeno niz aktivnosti: Aktivno učestvovali na sastancima Saveza udruženja dijabetičara i II Kongresu dijabetičara F BiH, Nastavljena je prekogranična saradnja sa udruženjima iz Hrvatske i Srbije, Aktivno učestvovali u obilježavanju svjetskog dana dijabetesa uz besplatnu kontrolu šećera i pritiska uz podjelu zdravog doručka.

Udruženje u svom radu posebnu pažnju posvećuje mladima, djeci dijabetičarima. Pored navedenog realizovan je program edukacije dijabetičara radionicama. Aktivno je provedena nabavka i podjela trakica za samokontrolu šećera u krvi, a udruženje je učestvovalo i na Evropskom prvenstvu u Futsalu za diabetičare u Sarajevu.

UG „Održiv povratak“ Tešanj

Svi poslovi u udruženju se obavljaju volonterski i bez ikakve naknade. Najveći dio dotacije od Općine se dijeli kroz jednokratne pomoći za liječenje, pomoć u sahrani i drugo. Udruženje nema kancelariski prostor, pa se sastanci održavaju u parohijskom domu Pravoslavne crkve Tešanj.

Crveni križ

U 2016. godini izvedeno je niz aktivnosti: Organizovano takmičenje iz prve pomoći (Općinsko i Kantonalno), Obuka i provjera znanja za vozače motornih vozila, Osim toga organizovane su akcije dobrovoljnog davanja krvi, obilježen 20. Decembar-Dan dobrovoljnih davalaca krvi. Organizacija je obilježila sve značajne datume kao: Svjetski dan CK, Nedjelja CK, Nedjelja borbe protiv TBC, Međunarodni dan starih i Nedjelju solidarnosti i drugo. Izvedeno je više ekoloških akcija i različitih predavanja po školama i mjesnim zajednicama, Vršeno prikupljanje pomoći za bolesne putem telefona.

Udruženje hroničnih bubrežnih bolesnika Tešanj

Rad Udruženja se provodi u druženju članova i pružanju pomoći istim. Isplaćena sredstva u vidu jednokratne novčane pomoći za kupovinu lijekova iznosila je 4.300,00 KM.

Crveni polumjesec

Orjentacija je da se pomogne porodicama u socijalnoj potrebi i to tako da im se dodijele sredstva za osnovne namirnice i rješavanje stambenog pitanja. Za obilaske socialnougroženih osoba i didjelu jednokratnih novčanih pomoći utrošeno je 500,00 KM. Ukazana je novčana pomoći i u rješavanju stambenog pitanja gluhoonijeme osobe iz Čaglića i socialnougrožene porodice iz Jablanice. Za ove aktivnosti izdvojeno je 1.191,00 KM. Udruženje za rad koristi prostor u zgradi Obdaništa.

Dobrovoljno vatrogasno društvo Jelah

Društvo je u 2016. godini realizovalo slijedeće aktivnosti: Upis novih članova pionira i omladinaca, Učestvovali su na svim skupštinama Vatrogasnog društva na prostoru Jugoslavije. Na osnovu inicijative Dobrovoljnog vatrogasnog društva Jelah formiran je Vatrogasni savez ZDK. Članovi društva su se bazirali na rekonstrukciju svojih prostorija pa su tako renovirali salu za sastanke i uradili prepokrivanje krova na dijelu zgrade gdje je bilo potrebno. Sve rekonstrukcije su izvršili članovi društva lično.

UŽ Naša porodica

U 2016. godini realizovani su slijedeći projekti: Humanitarne aktivnosti, Druženje sa majkama šehida, U susret Ramazanu, Druženja sa udruženjima žena iz Gradačca, Srebrenika, Novog Šehera, Indije, Konvoji prema Podrinju, učešće u organizaciji Pekmezijade. Učestvovali u organizaciji iftara i drugo. Svi poslovi u Udruženju se obavljaju volonterski.

NHU Oslonac

Nevladino humanitarno udruženje „Oslonac“ je formirano 2006. godine. Djelatnost je usmjerena isključivo u stambeno zbrinjavanje socijalno ugroženih lica koja nemaju riješeno stambeno pitanje, niti mogućnost da ga samostalno riješe zbog nepostojanja prihoda, ili iz drugih razloga.

U 2016. godini Udruženje provodi gradnju 48-og objekta, a dosadašnji utrošen novac premašuje cifru od 1.120.234,00 KM. Za dvadeset i pet objekata je odobrena djelimična pomoć u izgradnji. Značajno je napomenuti da su prihodi od članstva povećani i imaju tendenciju stalnog rasta. Specifično za ovo udruženje je što nema nikakvih troškova, već se sve zasniva na volonterizmu i entuzijazmu članova Savjeta i Udruženja.

Udruženje građana otpuštenih radnika RH

Udruženje je osnovano 2004. godine s ciljem ostvarivanja prava svih otpuštenih radnika iz Hrvatske. Aktivnosti u protekloj godini je bilo više, a istaknute su slijedeće: Brojni kontakti sa odvjetnicima, nadležnim institucijama i medijima po pitanju ostvarivanja prava članova (prava iz privatizacije, prava na otpremninu i prava invalida rada). Udruženje pruža besplatnu pomoć u sudskim sporovima svojih članova. U 2016. godini pokrenuta su tri sudska postupka upućena sudu u Strazburu.

Održan je sastanak četiri člana udruženja sa Ministrom Osmanovićem u Sarajevu, a tema sastanka je bila pronalaženje načina za rješavanje problema otpuštenih radnika. Udruženje je učestvovalo i u emisiji “Bingo” u organizaciji Lutrije BiH u Sarajevu i učešćem ostvarili dobitak od 9.500,00 KM. Sredstva su položena na račun Udruženja i služit će za pomoć članova Udruženja.

Vatrogasno društvo Tešanj 1905

Udruženje registrovano 25.05.2009. godine sa sjedištem u Vatrogasnom domu. U 2016. godini realizovali su više aktivnosti: Organizovali osposobljavanje članstva u ovladavanju vatrogasnim vještinama i redovne vježbe DVJ, Učestvovali u programu pržanja prve pomoći sa OŠ “Huso Hodžić” Tešanj i Centrom za civilne inicijative pri Ambasadi SAD-a. Krož ovaj program posjetili su Belo Mesto i Tavarkut, Učestvovali na proslavi Svjetskog dana vatrogasaca u Nemili. Organizovali memorijalni turnir u čast dva poginula vatrogasca i defile.

UG Penzionera

Udruženje penzionera-umirovljenika je u 2016. godini bilo orjentisano isključivo na pomoć teško bolesnom članstvu. Udruženje je od Općine dobilo 36.000,00 KM raspoređeno na mjesečne rate. Poseban problem, pored niskih penzija, predstavlja neredovna uplata članarine od strane PIA. Pored toga Udruženje je radilo na obnovi članstva i pomoći, odnosno isplati troškova dženaza i sahrana za veoma visok broj umrlih članova 138 u 2016. godini. Donošenje odluka i dodjela novčane pomoći: pomoć za sahranu 73.200,00 KM, pomoć članstvu u lijekovima 62.555,00 KM. Organizovali brojne izlete i boravak na moru. Osim toga ostvarili su uspješnu saradnju sa svim organima i organizacijama u interesu članstva.

II SPORTSKA UDRUŽENJA/DRUŠTVA

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj članova
				Preds.	Skup	
NK „Tošk“ Tešanj	144.655,00	37.000,00	158.504,00	10	3	160
NK „Borac“ Jelah	107.562,62	33.000,00	106.284,03	10	3	247
NK „Napredak“ Šije	28.770,00	10.300,00	23.364,00	18	3	61
NK „Pobjeda“ Tešanjka	69.300,00	27.000,00	21.690,00	4	1	135
RK „Bosna – TS“ Tešanj	18.940,00	15.000,00	18.926,00	6	1	66
KK „Gradina“ Tešanj	30.245,00	17.000,00	30.038,00	4	1	150
Šahovsko društvo „Tešanj“	7.382,21	4.000,00	6.227,40	/	1	180
Centar borilačkih sportova Tešanj	23.728,00	12.500,00	23.925,00	5	1	83
Klub borilačkih sportova Jelah	14.815,00	7.000,00	14.815,00	4	1	71
Savez za sport i rekreaciju invalida	61.650,00	1.500,00	77.700,00	/	1	70
USR «Blinker» Kalošević	12.954,99	2.000,00	9.975,04	14	1	116
Sportsko ribolovno društvo Jelah-Tešanj	1.500,00	1.500,00	1.500,00	9	1	183
Društvo pedagoga fizičke kulture	4.400,00	3.500,00	4.400,00	2	1	20
Ženski odbojkaški klub Tešanj	11.900,00	8.000,00	11.900,00	4	1	44
UG Veterani TOŠK-a Tešanj	4.800,00	1.500,00	3.500,00	33	1	6
Streljački klub Tešanj	1.000,00	1.000,00	1.000,00	3	1	120
Streljački klub "Zigana" Tešanj	1.857,00	700,00	1.920,00	4	1	142
Sportski savez Općine	11.352,45	8.400,00	8.827,25	6	1	30
Karate klub „Unija“ Tešanj	4.500,00	1.500,00	4.500,00	/	1	80
Sportsko udruženje Trepče	4.409,00	1.000,00	4.592,00	3	1	70
Stonoteniski klub „Nec“ Tešanj	2.450,00	2.000,00	2.450,00	9	1	50
Biciklistički klub Tešanj	2.420,00	2.000,00	3.084,67	5	1	30
Ragbi klub „Trk“ Tešanj	10.844,00	9.000,00	10.181,00	1	1	100
Ženski košarkaški klub Tešanj	28.243,00	4.300,00	26.086,00	11	1	100
Tekvando akademija Šije-Tešanj	6.506,00	1.500,00	6.472,00	3	1	115
Udruženje “Paintball Lasta” Vukovo	0,00	1.000,00	0,00	6	2	67
KK “Heroji-Basketball Heroes” Tešanj	6.200,00	700,00	6.200,00	5	3	130

NK „Tošk“ Tešanj

Nogometni klub TOŠK se u 2016. godini takmičio u 5 selekcija i to: seniori, juniori, kadeti, pioniri i predpioniri. Seniori su se kroz cijelu 2016. takmičili u Drugoj ligi „Centar“ FBiH, dok su se ostale selekcije u prvoj polovini godine takmičile u Omladinskim ligama Ze-do kantona. U sezoni 2016/17 selekcije kadeta i juniora prelaze u viši rang takmičenja, i to u Omladinske lige BiH čime je ispunjen uslov za ulazak ekipe seniora u Prvu ligu FBiH. Glede igračkog kadra, Klub trenutno broji 130 omladinaca i 22 seniora. Trenerski kadar broji 5 certificiranih trenera sa UEFA „B“ licencama.

NK „Borac“ Jelah

Značajne aktivnosti kluba u 2016. godini su: sve selekcije kluba su imale redovno ligaško takmičenje (seniorska selekcija, juniorska, kadetska, pionirska, predpionirska i ženska selekcija), klub je organizirao 20. memorijalni turnir „Sakib Subašić-Manga“, klub je organizirao i 8. memorijalni turnir „Ibrahim Đonlagić“, škola nogometa je učestvovala na turnirima u Hrvatskoj i nekoliko gradova BiH, Provedena izgradnja i uređivanje stadiona i objekata (nisu završeni svi planirani radovi) i nastavljena je edukacija stručnog kadra u klubu (3 trenera završila kurs za sticanje nacionalne C licence, a jedan trener UEFA B licence).

NK „Napredak“ Šije

Klub se takmičio u Kantonalnoj ligi ZDK sa ekipom u seniorskoj konkurenciji, kao i sa Omladinskim selekcijama koje se takmiče u okviru lige Ze – do kantona. U toku 2016. godine odigrano je 50 utakmica kako domaćih, tako i gostujućih u svim kategorijama koje su se takmičile. Dodatna sredstva od Općine u vrijednosti od 2000,00 KM su utrošena na rekonstrukciju krova. Klub je u prethodnoj godini puno radio na poboljšanju uslova za rad i uređenju infrastrukture.

NK „Pobjeda“ Tešanjka

Jedan od najznačajnijih rezultata NK „Pobjeda“ bio je plasman u drugu ligu FBiH. U 2016. godini, pored redovnog takmičenja, Klub je organizovao dva turnira: u povodu 27. jula i Novogodišnji turnir. Organizovana je škola fudbala za djecu od 7-9 godina.

RK „Bosna – TS“ Tešanj

Klub je osnovan 1958. godine. Takmiči se u Prvoj ligi FBiH-grupa Sjever. U okviru Rukometnog kluba djeluje i dobro oranizovana Škola rukometa, sa osposobljenim trenerima, koja obuhvata četiri selekcije osnovaca i srednjoškolaca, koje se takmiče u Kantonalnoj rukometnoj ligi mladih. Klub je organizovao memorijalni turnir u rukometu "Fuad Prnjavorac Fudo".

KK „Gradina“ Tešanj

KK „Gradina“ Tešanj je dva puta osvojio prvo mjesto u A1 ligi FBiH. Kadeti/juniori 2011. godine osvojili drugo mjesto na završnom turniru Francuske. U 2016. godini odigrano je oko 90 redovnih ligaških utakmica, a imajući u vidu turnire i prijateljske i pripremne utakmice, odigrano je više od 130. Stoga je i održano oko 500 treninga za razne selekcije u dvoranama SRC, OŠ Huso Hodžić, Musala, Krndija i Medakovo. U Tešnju 28.05.2016. odigran je Međunarodni turnir u košarci „Avdo Rakić Rogo“, učestvovala su ekipe iz BiH i R. Hrvatske. Učestvovali su na XIX memorijalnom turniru „Amir Jupić Pidžama“ u Odžaku, 6. augusta 2016. godine. Odigrane utakmice seniora i veterana. Učestvovali s pretpionirima na II međunarodnom košarkaškom turniru u Maglaju, odigrali 3 utakmice i osvojili 5. mjesto.

Šahovsko društvo „Tešanj“

Šahovsko društvo „Tešanj“ svoju pažnju usmjerava na promociju, razvoj i popularizaciju šaha među omladinom. U 2016. godini održano je Općinsko prvenstvo Osnovnih škola, Kantonalno prvenstvo kadeta u Zenici na kome je učestvovalo 16 članova udruženja i osvojeno je 11 nagrada (jedno Prvo mjesto, pet Drugih i pet Trećih mjesta), a na Federalnom prvenstvu osvojeno je dva Druga i jedno Treće mjesto. U ekipnom takmičenju klub je postigao zadovoljavajuće uspjehe.

Centar borilačkih sportova Tešanj

Realizovana dva projekta i to „Državna Prvenstva, Kup-vi BiH i Međunarodna takmičenja“ i “Tešanj Open 2016”. CBS Tešanj je u samom vrhu ekipa po ostavrenim rezultatima u Kickboxing savezu BiH na domaćim i međunarodnim takmičenjima. U 2016.g. učestvovali na svim državnim i međunarodnim takmičenjima koja su na kalendaru saveza BiH. Ukupno je osvojeno 72 medalje sa državnih i međunarodnih takmičenja od toga 29 zlatnih, 27 srebrnih i 16 bronzanih medalja. Najznačajniji rezultati su: 3 zlatne i 2 bronzane medalje sa Svjetskog kupa, 2 prvaka Balkana, 2 zlatne, 2 srebrne i 1 bronzana medalja sa Evropskog kupa, 8 zlatnih, 3 srebrne i 2 bronzane medalje sa Balkanskog kupa i državna prvenstva 9 zlatnih, 6 srebrnih i 11 bronzanih medalja. CBS Tešanj ima 7 članova reprezentacije u različitim uzrasnim i težinskim kategorijama. Na “Tešanj Open 2016” su došli takmičari iz 12 zemalja.

Klub borilačkih sportova “Borac” Jelah

Klub je tokom 2016. godine bio jedan od najtrofejnijih klubova u BiH. Takmičari kluba su nastupili na takmičenjima: 3 prvenstva BiH, 7 Internacionalnih kupova u Ilidži, Bihaću, Sanskom Mostu, Prnjavoru, Sarjevu, Prijedoru i Zenici, Balkanskom kupu u Tešnju i Vrbasu i Svjetskom kupu Budimpešti-Mađarska i Svjetskom Kadetskom i Juniorskom prvenstvu, te Evropskom Kupu Karlovcu. Pri tome su osvojili ukupno 116 medalja, a od toga 62 zlatne, 34 srebrnih i 20 bronzanih, kao i 3 pehara kao najbolji takmičari na domaćim i međunarodnim takmičenjima. Pet članova Kluba su u reprezentaciji BiH. Klub je u protekloj godini dosta radio na omasovljenju, kao i na poboljšanju uslova rada i nabavci opreme. Članovi kluba su učestvovali u Eko-akciji u Kaloševiću.

Savez za sport i rekreaciju invalida

Članovi Saveza su vrlo aktivni u sredinama i općini kada je u pitanju sport za invalide. Pored općinskih takmičenja, značajno je pomenuti individualni rad pojedinaca koji imaju i vrhunske rezultate u streljaštvu i ribolovu. Udruženje ima oko 70 aktivnih članova a koristi prostorije RVI bez naknade za režijske troškove. Realizovali su projekat “Sportom i rekreacijom do ozdravljenja”, takmičenje invalida.

USR «Blinker» Kalošević

Najznačajnija aktivnost USR u 2016. godini: Ekološke akcije Dan Planete i Dan voda, Takmičenja u ribolovu u povodu Dana MZ Kalošević i Memorijalni kup Mustafa Mević Pučo, Organizacija manifestacije “Fišijada” i takmičenje u ribolovu Općine, izvršili su i poribljavanje jezera u Mrkotiću, a izdali su i Bilten Udruženja. Izvršili su popravku brane na rijeci Usori koju su oštetile poplave.

UG Sportsko ribolovno društvo Tešanj-Jelah

Društvo je osnovano 1947. godine pod nazivom SRD “Usora-Jelah”. Tokom 2016. godine ostvarene su sljedeće aktivnosti udruženja:

1. Otvaranje ribolovne sezone 2016. godine – takmičenje u okviru Udruženja;
2. I Liga BiH
3. Organizacija „Male škole ribolova 2016“;
4. Organizovan je „Međunarodni kup 2016“;
5. Odlazak na međunarodni kup takmičenja u BiH i susjednim državama;

Članovi Udruženja su učestvovali u više ekoloških akcija u općini Tešanj.

Društvo pedagoga fizičke kulture

U 2016. godini najveći uspjeh je postignut na nivou Kantona u sportovima: košarka, nogomet i odbojka za žene. Društvo je ostvarilo dobru saradnju sa sportskim klubovima i pružilo pomoć školama u organizaciji takmičenja.

Ženski odbojkaški klub Tešanj

Ženski odbojkaški klub Tešanj se takmiči u sklopu 1. Lige FBiH. U 2016. godini ostvareno je četiri pobjede u prvom dijelu prvenstva, a pioniri su bez poraza u svojoj konkurenciji. Osvojeno je 2. mjesto u grupi i 5. mjesto u sklopu 1. Lige FBiH. Odigrali su oko 25 utakmica i obavili 220 treninga i organizovali 2 turnira.

UG "Veterani TOŠK-a" Tešanj

Redovno rade na svim poslovima održavanja stadiona, a organizuju i prijateljske utakmice veterana. Organizovali su dva tradicionalna turnira u malom i velikom nogometu, i to već deseti put.

Streljački klub, Tešanj

Organizovano takmičenje učenika u streljaštvu na nivou općine u okviru manifestacije "Dani otpora fašizmu". Redovno se provode treninzi članova.

Streljački klub "Zigana" Tešanj

U okviru kluba djeluje pet sekcija: edukacijska, lovačka, sekcija pištolj/revolver IPSC, sekcija malokalibarsko/vazdušno oružje i air soft sekcija. Klub je u 2016. godini organizovao takmičenja za djecu osnovnoškolskog uzrasta u gađanju iz vazdušne puške. Za članove Kluba organizovano je gađanje iz pištolja, kao i takmičenje članova Kluba u gađanju letećih meta (glinenih golubova).

Sportski savez Općine

Sportski savez je u 2016. godine realizovao manifestaciju „Izbor sportiste godine općine Tešanj 2016. Učestvovao u Komisiji za odabir projekata sportskih klubova ZDK i Komisiji za odabir projekata udruženja građana općine Tešanj. Pružana je podrška klubovima u realizaciji njihovih projekata. Neki od projekata koje je Sportski savez podržao i pomogao u organizaciji su: Male olimpijske igre, Trke mira – "Peace run" preko teritorije općine Tešanj, Turnir u stonom tenisu za veterane i rekreativce „Tešanj open 2016“, podrška malonogometnoj ekipi koje je predstavljala našu općinu na jednom od najvećih evropskih fudbal turnira u Linzu, Austrija. U Savez je prijavljeno pet novih udruženja.

Karate klub „Unija“ Tešanj

Karate klub „Unija“ egzistira u Tešnju već 6 godina. Okuplja djecu, razvija sport, organizuje karate polaganja i uspješno učestvuje na raznim takmičenjima. U 2016. godini Klub je učestvovao na 15 takmičenja i osvojio 112 medalja, organizovali su dva polaganja za karate zvanja.

Sportsko udruženje Trepče

U 2016. god. Sportsko udruženje Trepče radilo je na uređenju terena. Radovi su izvođeni u dvije faze, ali zbog malih novčanih sredstava kojima su raspolagali projekat nije u cjelosti završen.

Stonoteniski klub „Nec“ Tešanj

Klub je osnovan 2001. godine. Klub je održao Omladinsku školu stonog tenisa za mlade do 18 godina koja je realizovana u potpunosti i predstavlja izuzetno dobar način da se mladi edukuju iz oblasti stonog tenisa. Mnogo članova kluba je prešlo u drugi klub, te se stoga i aktivnost kluba umanjila. Klub se premjestio u Tešanj i izvršio izmjenu podataka.

Biciklistički klub Tešanj

Biciklistički klub je organizovao Proljetnu biciklijadu na kojoj su pored članova kluba, bili uključeni i gosti iz Žepča, Lukavca, Tuzle, Zenice, Doboja i Čelinca. Zatim odlazak na Biciklijade u Čelinac, Lukavac, Kladanj. Najznačajnija aktivnost kluba je odlazak 11 članova biciklima na relaciju Tešanj –

Srebrenica koji su na taj način odali počast žrtvama genocida. Rađeno je i na omasovljavanju članstva i nabavljeni su dresovi sa logom Kluba i Općine.

Ragbi klub „Trk“ Tešanj

Klub se takmiči na državnom nivou, kako u Ragbi XV, tako i u Ragbi VII, a učestvovali su na Međunarodnom Beach Rugby u Mariboru i na Buškom jezeru, te na turniru u Rijeci. Organizovali i dvije prijateljske utakmice. U 2016. godini dva igrača kluba nastupila su u reprezentaciji BiH. Učestvovali su na seminarima za trenere i radili na održavanju stadiona u Mekišu i izgradnji terena u Jelahu.

Ženski košarkaški klub Tešanj

Klub je osnovan 2014. godine sa primarnim ciljem popularizacije svih onih moralnih vrijednosti koje se mogu steći kroz sport uopće, a posebno žensku košarku. Učestvuju u Ligi mladih Košarkaškog saveza ZDK u selekcijama pionirke i kadetkinje. Aktivnosti u 2016. godini: Kadetkinje – treće mjesto Liga mladih KS Zenica, sezona 2015/2016, Juniorke – prvo mjesto Liga mladih KS Zenica, sezona 2015/2016, Igre prijateljstva Startz Tuzla 2016 – prvo mjesto, Turnir prijateljstva Brčko 2016 – prvo mjesto, Turnir Basketball Wien 2016 – četvrto mjesto u grupi, Dan ženske košarke Vitez 2016, Ženska omladinska liga BiH, sezona 2015/2016, A1 liga FBiH, sezona 2015/2016 – drugo mjesto, Liga mladih BiH U16, sezona 2015/2016, Liga mladih BiH U18, sezona 2015/2016, Sportske igre mladih Tešanj-Sarajevo 2016, StreetBall Challenge Jelah 2016 – prvo, drugo i treće mjesto, III Međunarodni ženski košarkaški turnir Tešanj 2016 – drugo mjesto, Međudržavna ženska regionalna košarkaška liga – WABA liga 2016/2017 – 11. mjesto, Internacionalni turnir Woman Konjic Cup 2016, Ženska omladinska liga BiH, sezona 2016/2017, III Međunarodni turnir "Sveti Nikola" Slavonski Brod 2016, Partner Košarkaškog kampa "Bjelašnica 2017". 21.03.2016. godine pokrenuta i muška škola košarke kao sekcija kluba, pod nazivom KK Tešanj, čime je značajno povećan broj članova kluba, te su angazovana još dva trenera. Učešće trenera na prestižnim trenerskim seminarima u organizaciji KS BiH, Nominovani i izabrani sportisti općine Tešanj iz kluba: Almina Čehajić – najuspješnija sportistkinja i Džejna Spahić - mlada nada.

Tekvando akademija Tešanj

Akademija je djelovala u Šijama, a krajem 2016. godine sjedište je preseljeno u Tešanj. Uredili su prostor za treniranje i nastavili sa aktivnostima. Udruženje koje broji 115 članova. Proveli su projekat koji je finansiran od strane Općine i to takmičenje pod nazivom "Tešanj open". Učestvovali su u raznim takmičenjima i zabilježili brojne uspjehe.

Udruženje Painball "Lasta" Vukovo

U 2016. godini udruženje je učestvovalo u organizovanju turnira u paintballu "Obojimo svijet kroz druženje i igru", te Memorialnog turnira "Adem Omahić-Omaha". Učestvovali su na turnirima na Jahorini i u Zavidovićima.

KK "Heroji-Basketball Heroes" Tešanj

Redovni treninzi su se obavljali na četiri lokacije i to u Tešnju, Tešanjci, Jelahu i Matuzićima. Odigrane su četiri prijateljske utakmice sa ekipama iz Tuzle, Zenice i Sarajeva. Održan je turnir za članove. Učestvovali na ljetnom kampu na Vlašiću. Nabavljena oprema za treniranje uz pomoć Općine.

III UDRUŽENJA U OBLASTI KULTURE

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj član
				Predsj.	Skupš.	
Bosansko pozorište Tešanj	5.000,00	5.000,00	5.000,00	1	više	71
KUD «Izudin M.Izo» Jelah	11.683,62	5.300,00	8.714,18	1	8	55
KUD «Behar» Tešanjka	14.607,00	5.000,00	13.180,00	10	1	80
UM «Alkatmeri» Tešanj	5.000,00	0,00	4.829,00	2	1	10

UG "Bosanski sevdah" Kraševo	6.210,00	3.500,00	3.510,00	9	1	80
KUD "Pobjeda" Tešanj	10.320,00	4.800,00	8.450,46	19	2	73
UG "Omladinski ansambl" Tešanj	9.027,43	7.500,00	9.374,90	17	2	80

Bosansko pozorište Tešanj

U 2016. godini pripremljene su i izvedene dvije predstave „Romeo i Julija“ i „Pukovnik Ptica“. Sa tim predstavama su učestvovali na manifestacijama Tešanjско proljeće obilježavanje Dana grada Tešnja. Imaju 71 člana, a posebno je rađeno na aktiviranju mladih selekcija.

KUD „Izudin Mulabećirović Izo“ Jelah

Organizacija tradicionalnih manifestacija tokom 2016.god. : 13 tradicionalni dječiji festival „Djeca pjevaju hitove“, 16.tradicionalni festival folklor, 6.festiva „Veče uz tamburu“. Društvo je takođe tokom 2016.godine zajedno sa Omladinskim ansamblom iz Tešanja uzelo učešće na gostovanju u Švajcarskoj, kao gosti društva „Bosanski ljiljani“, te na na gostovanju u Travniku.

KUD „Behar“ Tešanjka

Društvo broji 80 članova podijeljenih u 3 sekcije a najbrojnija je folklorna sekcija. KUD je imao više nastupa na kojima je prezentovao običaje i tradiciju svog kraja: Organizacija julske manifestacija „Tešanjka 2016“, 12. Međunarodna smotra folklor, zatim učestvovali na smotrama folklor u: Kraševu, Brčkom, Slavonskom Brodu, Čeliću. Pozivani su na brojne smotre izvan BiH, ali zbog ograničenih sredstava su prihvatili samo odlazak u Albaniju. Uvježbali su i postavili nove koreografije.

UM Tamburaški sastav „Alkatmeri“

Tamburaška sekcija u okviru KUD-a Pobjeda je osnovana 1986.godine. U 2016. godini organizovali su koncert „Tešanj sevdah fest Tešanj 2016“ i "Večeri Starog grada", a kao partneri učestvovali su u realizaciji manifestacije „Sjećanje na Omera Pobrića“. Broje ukupno 15 aktivnih članova i 5 počasnih.

Udruženje "Omladinski ansambl" Tešanj

Udruženje je u protekloj godini organizovalo više nastupa, a najznačajniji su Proljetni koncert- Dobra vam noć prijatelji i Bajramski koncert "Radosti bajrama". Imaju veliki problem oko održavanja proba i uvježbavanja za nastupe, jer im nedostaje adekvatan prostor.

KUD „Pobjeda“ Tešanj

Provedene aktivnosti u toku 2016.godine su: Gostovanje na festivalu u Jajcu povodom učešća na festivalu folklor, Veče folklor u organizaciji KUD „Pobjeda“ Tešanj, Učešće dijela ansambla prilikom organizacije Iftara na otvorenome, Plava džamija Marin Han, Učešće na HAYAT TV u emisiji Bajramski program, Učeše na festivalu u Kotorskom, Organizacija smotre folklor sa gostima iz regije, Gostovanje u Umagu na smotri folklor, Godišnji koncert KUD „Pobjeda“ Tešanj.

Folklorni ansambl "Bosanski sevdah" Kraševo

Udruženje je u 2016. godini održalo svečanost povodom obilježavanja ŠESTE godišnjice rada udruženja, 10 gostovanja u BiH, održana SEDMA međunarodna smotra folklor, izvršena nabavka 6 muških i 12 ženskih narodnih nošnji, održan cjelovečernji program „Druženje sa građanima“, učestvovanje u proslavi Dana MZ Kraševo.

IV OSTALA UDRUŽENJA GRAĐANA

Udruženja sa različitim programskim ciljevima:

Naziv udruženja	Ukupni prihodi	Prihodi od Općine	Ukupni rashodi	Sjednice tijela		Broj član.
				Pred.	Skupš.	
UG za zaštitu i uzgoj sitnih životinja	13.292,00	3.500,00	12.433,00	11	30	78
UG «Eko-mladi» Jablanica	41.156,07	15.627,90	35.683,31	5	1	80
UG «Pčela» Tešanj	4.074,98	1.500,00	3.285,51	4	1	56
Jedinstvena organizacija mladih Jelah (JOM)	2.600,00	1.800,00	1.754,00	19	1	46
UG „Biznis centar“ Jelah-Tešanj	120.867,75	13.000,00	121.647,73	12	6	201
Odred izviđača «Crni vrh» Tešanj	10.011,85	9.500,00	9.854,85	27	1	321
Udruženje «Stari grad» Tešanj	8.800,00	3.400,00	7.700,00	4	2	200
UG “Rez” Tešanj	1.940,00	1.200,00	1.940,00	3	1	35
UG žena “Ruka” Kalošević	2.120,00	1.500,00	2.051,00	5	8	20
UG “Ponikva” Šije	2.542,00	1.000,00	2.803,00	9	1	100
Udruženje “Tragovi Crni Vrh” Tešanj	4.000,00	2.000,00	0,00	2	1	100
Udruženje motoklub “Zemljani vozači” Tešanj	1.000,00	1.000,00	1.000,00	3	1	20
Plesni klub “Pobjeda-Win” Tešanj	6.320,00	1.000,00	6.320,00	/	1	80

Udruženje građana za uzgoj i zaštitu sitnih životinja Tešanj

Udruženje je osnovano 09.03.1999. godine. Trenutno imaju 78 članova. U 2016. godini organizovali su: 17. međugradsku i 11. međunarodnu izložbu sitnih životinja, Učestovali su na četiri izložbe u BiH i to u Zenici, Bugojnu, Ljubuškom i Čapljini, te obilježili 4. Oktobar - Dan sitnih životinja.

UG „Eko-mladi“ Jablanica

Udruženje je formirano 2007. godine, a osim osnovnog sadržaja druženja i edukacije mladih, u fokusu je bilo i promovisanje volonterskog rada, uključivanje mladih u razvoj uže i šire zajednice i zaštita životne sredine. U protekloj godini uspješno je realizovano više projekata: „Najljepše uređeno dvorište 2016-općina Tešanj“, Realizacija projekta PET ambalaže u saradnji sa školama, Edukacija kadrova i veći broj ekoloških akcija, Doprinos obilježavanju Dana Mjesne zajednice, Učešće predstavnika Udruženja na Simpozijumu o okolišu u Turskoj, Realizovan projekat Školska takmičenja, Podrška i saradnja sa MZ Jablanica i udruženjem “Tragovi Crni Vrh”, predstavnici učestvovali na nekoliko sastanaka / edukacija / treninga u sklopu projekta Jačanje uloge MZ u BiH koji realizuje UNDP, te mnoge druge aktivnosti.

UG „Pčela“ Tešanj

Udruženje je osnovano 25.05.1998. godine, radi zadovoljenja zajedničkih i osobnih interesa pčelara. Najznačajnije aktivnosti u 2016. godini su: Organizovan tradicionalni 10. Sajam pčelarstva „Tešanj 2016“ na kome je učestvovalo više izlagača sa Općine i šire, realizovana tri stručna predavanja za pčelare, ostvarena saradnja sa pčelarima iz Tuzle. Udruženje broji 40 članova.

Jedinstvena organizacija mladih (JOM)

Udruženje je osnovano 2002. godine. Neke od najvažnijih aktivnosti u 2016. godini su: Organizacija manifestacije "14. Rastok Fest Jelah" i Streetball Art Fest". Udruženje je svoj rad posvetilo edukaciji mladih o ponašanju na sportskom terenu i van njega.

Udruženje privrednika „Biznis centar“ Jelah – Tešanj

U 2016. godini Udruženje je realizovalo 12. sajam privrede „Biznis 2016 Tešanj“. Organizovani sajam je bio jedan od najuspješnijih i najbolje organizovanih do sada. U protekloj godini održana je redovna godišnja skupština a rađeno je i na povećanju broja članova, tako da udruženje sada ima 201 firmu kao članicu.

UG Odred izviđača „Crni vrh“ Tešanj

Udruženje je u protekloj godini realizovalo dva projekta finansirana od Općine: "Takmičenja, izleti, susreti, edukacije, logorovanja" i "Stvaramo bolji svijet". Najznačajniji rezultati u protekloj godini su: 4. mjesto na 12. Regionalnom takmičenju "U susret proljeću" Zenica 2016, 3. mjesto na "Mostarskim susretima", Uspješni nastupi na susretima u Banovićima, Jablanici, Prijedoru i Varešu, Organizovali izviđačke susrete u Tešnju i Izviđačku izložbu, učestvovali na Sajmu izviđaštva. Učestvovali su i u akciji uređenja Kiseljaka.

Udruženje «Stari grad» Tešanj

U organizaciji Udruženja „Stari grad“ Tešanj u 2016. godini održan je VII Balkan Streets Festival na Starom gradu, VI Likovna kolonija Tešanj 2016, te Prvi DJ Party.

Udruženje građana "REZ" Tešanj

Udruženje je provelo nekoliko aktivnosti u toku 2016. godine i to : Izložba fotografija u Eminagića konaku „Otisak Tradicije“ Esada Okić, Projekat „Zasadi cvijet za bolji svijet“ Rosulje, Turnir u malom nogometu i Paintballu u saradnji sa „Lasta“ Vukovo, Obilježavanje Međunarodnog dana mira u saradnji sa CRCD Doboj, Debata na temu „Otporni na štelu“ u saradnji sa CRCD Doboj i Antena Radio Jelah a pod pokroviteljstvom USAID i Fondacija Mreža Mira.

Udruženje žena "Ruka" Kalošević

Udruženje postoji četiri godine i u svom dosadašnjem radu angažovalo se na edukaciji žena iz raznih oblasti (zaštita ljudskih prava, biznis treninzi, škola za uzgoj ljekovitog bilja). Uz podršku Općine realizovali projekte "Ekonomski osnažena žena je jaka žena" i "Želimo da radimo". Udruženje je učestvovalo u dvije manifestacije: Doček gosta iz Turske i organizovanju Dan mjesne zajednice. Posjetili su dva sajma i bile u posjeti udruženjima iz Doboj Istoka, Zavidovića i Doboja, te se promovisale kroz učešće u radijskim i TV emisijama.

UG "Ponikva" Šije

Udruženje je osnovano 23.11.2013. godine s osnovnim ciljem poticanja i razvijanja aktivnosti na očuvanju i održavanju čovjekove okoline. Učešće u organizaciji i realizaciji Obilježavanja dana MZ Šije (Sportski program-streljaštvo, mali fudbal, tekvando, roštilj i osvježanje za posjetioce, kulturno umjetnički i zabavni program, takmičenje učenika OŠ u Šijama u poznavanju istorije Šija, prezentacija domaće kuhinje), Uređenje prilaznog puta izletištu "Jaruge" u Šijama, (učestvovalo oko 30 članova udruženja koji su izvršili krčenje i uređenje prilaznog puta izletištu), Humanitarna akcija pomoći na dogradnji dvije porodične kuće u Šijama, Učešće na prikupljanju sredstava za dogradnju i renoviranje svlačionice NK Napredak Šije, Učešće u realizaciji obilježavanja "Dana žrtava rata u Šijama, Učešće u realizaciji Iftara u Šijama, Realizacija projekta "Ostrvo za odmor" II-faza.

Udruženje "Tragovi Crni Vrh" Tešanj

Udruženje je bilo jako aktivno tokom godine, a najznačajnije provedene aktivnosti su: Realizovana aktivnost isplate nagrada studentima i učeniku generacije, Sufinansiranje organizacije Iftara za aktivne članove, Sufinansiranje nabavke stolova za prostorije MZ gdje se održavaju sastanci, saradnja i podrška aktivnostima UG EKO-MLADI, zatim MZ Jablanica i MZ Karadaglije kao i dobra saradnja

sa OŠ Gazi Ferhad-beg, Jablanica. Uspješno realizovan projekat uređenje platoa Crni vrh gdje su uređene staze za nesmetan Pohod na banderu te su bili partner u realizaciji. Sanirani sadržaji na Begovoj ravni, na Banderi i Lijevom krilu te postavljene info table i klupe.

Udruženje motoklub "Zemljani vozači" Tešanj

Organizirali su nekoliko lokalnih druženja sa članovima kluba koji su u nekoliko navrata posjetili Dnevni centar za djecu sa posebnim potrebama Tešanj i tokom posjeta štićenicima Doma uručili poklone. Provedena su i dva projekta i to "Motomaraton Srebrenica 2016" i "Moto party 2016". Zbog malog budžeta, udruženje nema puno aktivnosti tokom godine.

Plesni klub "Pobjeda-WIN" Tešanj

Aktivnosti udruženja u 2016. gosini su: Organizacija 3 Međunarodnog Turnira u Akrobatskom Rock n Roll-u , Odlazak na Kalifikacijski turnir u Zagrebu, Bodovni turnir u Živinicama, odlazak na Svjetsko prvenstvo juniorske ženske formacije u Češkoj, Memorijal: Mujanović Miralem - Lalo (Međunarodni kup), Godišnja predstava Rock step, Kvalifikacijski turnir (17. Božićni turnir), Bodovni turnir u Tuzli. Ističu da uz veću finansijsku pomoć mogu postići i puno veće uspjehe od dosadašnjih, iako su zadovoljni postignutim.

ZAKLJUČNI OSVRT


Udruženja koja djeluju na prostoru općine u 2016. godini dala su doprinos razvoju lokalne zajednice, uzela učešće u brojnim aktivnostima, te direktno i indirektno radila na poboljšanju kvaliteta življenja na našim prostorima.

Nadležna Služba Općine je protekle godine vršila monitoring na realizaciji projekata finansiranih iz Budžeta. Prepoznate su mogućnosti za poboljšanje saradnje i iste su date u formi preporuka za dalji rad.

Na web stranici općine objavljeni su svi podaci relevantni za saradnju sa udruženjima, uključujući sporazum i druge dokumente o saradnji, bazu podataka i donatora, odluku o usvajanju LOD metodologije u Općini Tešanj i Plan za unapređenje saradnje sa udruženjima građana.

OBRADIVAČ:

Služba za društvene djelatnosti i
investicije


Azra Muslija, dipl.pравnik

PREDLAGAČ:

Općinski načelnik



Mr.Sci.Suad Huskić

Tabela udruženja građana (evidentiranih u Službi).

R.br.	Naziv udruženja	Predstavnik udruženja	Kontakt tel.
UDRUŽENJA OD POSEBNOG INTERESA			
1	Organizacija porodica šehida i poginulih boraca	Nura Mehić	652-527
2	Organizacija RVI Tešanj	Muharem Sejdić	651-574
3	UG UBNOR Tešanj	Ahmet Skopljak	660 284
4	UG „Zlatni ljiljani“ Tešanj	Hasan Handžić	061-615 638
5	JOB „Unija veterana“ Tešanj	Nusret Plančić	061-472-233
6	UG invalida rada Tešanj	Karahodžić Hanka	061-756-500
7	Udruženje slijepih i slabovidih osoba Tešanj	Mujaković Nihad	650-022
8	UG „Sugar“ Tešanj	Nermin Kotorić	061-692-852
9	UG „Povratak“ Tešanj	Milan Marković	664 384
10	Crveni križ Tešanj	Hasan Dolamić	062-933 967
11	UG hroničnih bubrežnih bolesnika	Burejić Osmo	061-791-180
12	UG „Crveni polumjesec“	Ahmed Bukvić	061-372-761
13	Dobrovoljno vatrogasno društvo Jelah	Muharem Hujdur	061-473-360
14	UŽ Naša porodica	Emina Ajanović	061-364-965
15	NHU Oslonac	Alić Husein	797-174
16	Udruženje otpuštenih radnika iz RH	Ramiz Mervan	061-447-750
17	Dobrovoljno vatrogasno društvo „Tešanj 1905“	Jasmin Hotić	061-478-301
<u>SPORTSKA UDRUŽENJA/DRUŠTVA</u>			
1	NK „TOŠK“ Tešanj	Armin Sejmenović	061-147 613
2	NK „Borac“ Jelah	Senad Subašić	061-105-049
3	NK „Pobjeda“ Tešanjka	Dževad Bekrić	061-973-579
4	NK „Napredak“ Šije	Damir Sejdinović	061-448 334
5	KK „Gradina“ Tešanj	Hamza Hotić	061-302 613
6	RK „Bosna – TS“ Tešanj	Ćusto Refik.	061-776 776
7	Ženski košarkaški klub Tešanj	Ekrem Spahić	061-177 134
8	Biciklistički klub Tešanj	Muris Krdžalić	062-420 807
9	Streljački klub „Zigana“ Tešanj	Haris Sejdić	654 087
10	Šahovsko društvo „Tešanj“ Tešanj	Samir Hatibović	061-865-340
11	Centar borilačkih sportova Tešanj	Alija Ogrić	061-791-680
12	Klub borilačkih sportova Jelah	Albalić Husein,	061-402-573
13	Savez za sport i rekreaciju invalida	Sabahudin Mahmutović	061-537-534
14	USR „Blinker“ Kalošević	Besim Sejdić	061-250 234
15	UG Ribolovaca Tešanj-Jelah	Piknjač Nermin	061-795 378
16	Sportsko udruženje Trepče	Admir Mehičić	062-318 307
17	Društvo pedagoga tjelesnog odgoja	Almir Bukvić	061-585 401
18	Ženski odbojkaški klub Tešanj	Mandžukić Izet	062-189-196
19	Streljački klub Tešanj	Izudin Handžić	061-277 424
20	Sportski savez općine Tešanj	Besim Sejdić	061-250-234
21	UG Veterani TOŠK-a	Deljkić Hajrudin	060-3422477
22	Karate klub „Unija“ Tešanj,	Almir Glavić	060-3572-694
23	Teniski klub „Volley“ Jelah-Tešanj	Miralem Avdić	061-251 901
24	Teniski klub „ACE“ Tešanj	Brka Mujo	061-593 403
25	Univerzalna škola sporta Jelah	Almir Ramić	062-589 929

26	Stonoteniski klub "Nec" Tešanj	Besim Sejdić	061-250-234
27	KBS Tekvando akademija Tešanj	Mehmedović Elvin	063-907-719
28	Ragbi klub "Trk" Tešanj	Paravlić Safet	061-176-004
29	Sportsko-rekreacijski klub "Olimp" Tešanj	Almir Sarić	062-425 057
30	UG "Avantura" Tešanj,	Sead Muftić	062-499 399
31	Košarkaški klub "Heroji" Tešanj	Almedin Alispahić	061-594 534
32	Klub "K1 Bosna" Tešanj	Azra Garić	063-602-541
33	Paintball klub "Lasta" Vukovo	Almir Brka	061-793-483
34	Biciklistički klub "MTB" Tešanj	Mulabdić Junuz	

UDRUŽENJA U OBLASTI KULTURE

1.	Bosansko pozorište	Ajanović Nermin	061-303-923
2.	KUD "Pobjeda" Tešanj	Đulović Abdulah	061-992-606
3.	KUD "Izudin Mulabećirović Izo" Jelah	Senad N.Subašić	061-142 707
4	KUD „Bosanski sevdah“ Kraševo	Ramić Nedžad	061-276-347
5	KUD «Behar» Tešanjka	Kurtić Adis	061-422 658
6.	Udruženje muzičara «Alkatmeri» iz Tešnja	Ismet Pašalić	062-201 942
7	Udruženje muzičara Sevdah TE	Amir Cerovac	061-108 696
8	UG "Sehara" Tešanj	Miralem Alić	061-692-889
9	KUD "Ljiljan Krin" Kalošević	Hakić Aida	062-259-284
10	Omladinski ansambl Tešanj	Mehmedalija Hafizović	061-757-269
11	Hrvatsko kulturno društvo Napredak-Podružnica Tešanj	Ivan Duvnjak	

OSTALA UDRUŽENJA GRAĐANA- sa različitim programskim ciljevima

1	UG "Stari Grad" Tešanj	Zoraid Mehićić	061-422-160
2	UG za uzgoj i zaštitu sitnih životinja	Subašić Dževad	062-951 905
3	UG «Pčela» Tešanj	Mahmo Husibegović	061-413 177
4	Lovačko društvo «Kiseljak» Tešanj	Muhidin Handžić	061-453-615
5	Jedinstvena organizacija mladih Jelah	Armin Maglić	062-804 739
6	Udruženje privrednika Jelah – Tešanj	Senad Brka	061-177-012
7	Udruženje žena poljopr, usorsko-tešanjskog kraja	Brkić Nada	651-300
8	UG Odred izviđača «Crni Vrh» Tešanj	Mujo Pobrić	061-794-674
9	UG Josip Broz Tito	Brkić Salih	062-388 769
10	UG «Tragovi – Crni vrh»	Roša Sinan	061-303-996
11	Omladinska organizacija «Eko mladi» Jablanica	Spahić Mersed	061-587-081
12	NVO «Mladost» Piljužići	Faruk Garić	061-622-619
13	Udruženje Avdipaša	Senad Roša	061-757 270
14	UG «Mladi Meraja» Šije	Kruško Idham	062-500 483
15	UG «Naš Tešanj»	Adnan Mrguda	061-257-337
16	Udruženje Bošnjaka „Vrijeme-zeman“ Tešanj	Hadžikadunić Jasmin	062-251 922
17	Udruženje Europski pokret Jelah	Nedžad Unkić	061-450 010
18	Udruženje Merhamet Tešanj	Dževad Korajlić	062-362-758
19	Centar mladih Miljanovci	Ahmić Elvedin	061-432 888
20	UG "Dobrobit-nafaka" Tešanj	Jasmin Pilav	062-707 853
21	UG žena „Jorgovani“ Novi Miljanovci	Crnkić Fahra	062-980 288
22	Planinarsko-sportsko društvo „Zmajevac-684“	Brkić Dženaid i Salih	061-703 722
23	UG roditelja i djece s posebnim potrebama	Miralem Mulabdić	061-402 346
24	UG "Miris Islama-Miskul Islam" Mrkotić	Muris Braćkan	061-409 623
25	UG "Etno in" Tešanj, Patriotske lige bb	Adel Džanić	062-926 714

26	UG "Ponikva" Šije	Sejdinović Dr. Rifat	061-162 154
27	UG žena "Ruka" Kalošević	Suada Mujkić	061-615 012
28	Informativno-edukacijski centar	Adisa Kokić	061-307 939
29	HU Jedna jedina	Islam Dubravac	062-459 397
30	UG "Zajedno" Jelah-Tešanj	Ismet Zeničanin	032-663 187
31	UG REZ Rosulje-Tešanj	Senaid Himzić	062-163-070
32	UG "Grupa Omaha" Tešanj	Ibrahimović Suad	
33	Udruženje majki s djecom s posebnim potrebama Tešanj	Senada Joldić	032-657-396
34	UG Cerovac Tešanj	Sinanović Nurija	
35	UŽ Duga Tešanj	Ogrić Šehra	
36	Udruženje moto klub Zemljeni vozači Tešanj	Armin Joldić	062-110-985
37	Nevladino humanitarno udruženje "Trepče" Tešanj	Hasambašić Haris	
38	UG "Vijeće mladih" Tešanj	Maglić Armin	
39	Udruženje boraca odbranbeno oslobodilačkog rata 1992-1995 O.Demobilisanih općine Tešanj	Roša Salko	
40	Udruženje forum mladih "POLET" Jevadžije Tešanj	Skulić Vahid	
41	UG "Žena ženi" Tešanj	Mujić Enisa	
42	Udruženje zaposlenika s umanjenom radnom sposobnošću zaposlenih u mann hummel ba.d.d Tešanj	Husarić Fuad	
43	Udruženje "plesni klub pobjeda-win" Tešanj	Ernad Bedak	061-973-691
44	"Udruženje vodovod grabovac" Tešanj	Pobrić Kemal	
45	UŽ "Biser" Ljetinić- Tešanj	Hadžan Subhija	061-289-039
46	UŽ Jelašanke Jelah	Mehićić Mirsada	061-153-834
47	Udruženje Penzionera/Umirovljenika Tešanj	Rasim Numić	061-755-442
48	Poljoprivredno udruženje "Majka priroda" Jelah-Bobare	Kajinić Ivan	062-218-723
49	Omladinski klub Novi Miljanovci Tešanj	Kruško Merzudin	